

ARUBAANSE COURANT
manente cu excepccion di
dijadomingo.
subscripcion f. 3.25 pa luna.
edicion los 20 ct.
edita pa:
N.V. Arubaanse Drukkerij en
Uitgeverij en Publiciteits Maatschappij
Nassaustraat 85 O'Stad Aruba N.A.
imprimi na:
Theaterstraat 11, Willemstad Curacao
N.V. Drukkerij „De Stad“
Directie: 1116 Directiva y redaccion.
2116 Anuncio y subscripcion.
Directeur hoofdredacteur: D. Wolff.

ARUBAANSE COURANT



Diario pa Aruba



NO WII
FOR
COOLNESS
AIRCONDITIONING
Tel. 2170
ELMAR

Aruba 24 DIALUNA 29 DI JULI 1963 No. 4702

APUNTES EDITORIAL OPOSICION TA HARI

E reunion di eleantraad di dila-
raon pasa a muestra un punto culminan-
te y un punto minimo den gobierno au-
tonomo di Aruba e aceptacion unan-
ime di e muelon contra N.V.P. y e
eleccion di Alberto aFleoni cumu de-
putado.
Cu e eleccion di senyor Falconi, Aru-
ba tin awor su di tanto drama di de-
putado. Oposicion cu yudanza di al-
gun persona malcontento di e fraccion
di P.P.A., door di duna nau apoyo na
Falconi, a haci manera nan a hanja ta
pasa cu B.C. door di hunga na un ma-
nera irresponsable cu e puesto respec-
table di diputado. Un luz chikitu den
center e historia aki cu a sali na cla-
ridad pa P.P.A., ta cu unicamente opo-
sicion den futuro no por muestra dede
mas ariba nan, tocante nombramento
ekiboca di diputadonan.
Si puntra con ta posibel cu senyor
Falconi, kende a worde eligi convin-
centemente y legalmente como depu-
tado, a dieldi pa no acepta su puesto,
cu lo a duna e entrada interesante y
cu lo a garantisele un distincion halto,
den suculdad, ante e contesta ta facil
worde duna. Senyor Falconi, menos
cu dos ora prome cu el a worde eligi,
priminti dilanti dos persona net lo
contrario di loke el a haci den eland-
sland, esta cu e no lo acepta e puesto
di diputado si e worde eligi. Induda-
blemente e ta un persona carinoso y
amigable, pero e no ta un persona di
caracter firme. Su excusa, cu el a acepta
nombramento, como cu el a worde
sorprendi den raad, pero cu el a renun-
cia ora cu el a ripara, cu ta un wega
oposicion a hunga cune, segun insiden-
cia no ta un argumento aceptabel.
Door di personanan cu tabatin parti
den e „Wega“ aki, nos a worde segun-
ta cu senyor Falconi tabata sabi exac-
tamente loke ta bal pasa y cu e lo
hanja exactamente 11 voto. Hasta nos
tende mas ainda, cu el claramente sen-
yor Falconi ta un persona cu masha fa-
cil por worde cambia di su opinion.
Pesel nos no ta kere tampoco cu el a
renunciado baw di presion di su partido.
Un cara rabia of un hista desapa-
nandamente lo tabata basta.
Pero prome di lubida e sonjo des-
creditable aki mas pronto posibel, ta
bun pa studia e les cu e drama Falconi
ta duna nos. Esaki: cu desunlon den
un grupo ta resulta den menos dici-
plina y despues kibramento.
E desunlon den P.P.A., e partida cu
anjanan largo tabata forma un forza
grandi, ta manifestando su mes cada
dia mas. E eligimento di diputadonan
pa e B.C. nobo, a causa hopi malcon-
tento. For di den e orkesta di P.P.A.,
cu ta worde forma door di un can-
tidad di diferente gruponan cu naciona-
lidad Hulandes, e „malcontentonan“ a
cuminsa sali afor, pa hunga un melo-
dia mas duro den nan mes conhun-
to nacional. Esum cu habri su orea
y scucha bon ta tende declaracionnan
cu un anja pasa tabata algo cu no pur-
a worde imagina: nan ta hanja cu e
gita di e partida ta dictatorial y ta con-
tra cu gezaghebber ta worde rondona
cu umklonan personal como diputado.
E grupo Boneriano di P.P.A. (tin 706
Boneriano na Aruba) ya tabata mal-
contento pa motibo cu nan lider a wor-
de poni ariba un lugar desfavorable
ariba e lista di P.P.A. durante di e
ultimo eleccion, pa motibo di cual e
grupo aki no tin representante mas den
eleantraad, pero awor nan ta mas des-
tista ainda, pa motibo cu nan candi-
dato Boezem no a worde acepta pa
e candidatura di diputado. Te hasta
e presidente di e seccion mes ta apoya
e „malcontentonan“.
Tambe e Curazolejanon (tin 1360
Curazolejo na Aruba - e senjoran
Siro Picters y Petronia a hanja du-
rante e ultimo eleccion hunto 1.066
voto) no ta mucho contento. Entre
otra pa motibo cu e lidernan den e
grupo Curazolejo kier a mira senyor
Siro Picters como nan candidato pa e
puesto di diputado, loke segun insiden-
cia no a worde logra pa motibo cu
senyor Petronia ta prefira drs. Servage.
—
Tampoco entre e Aruhianonan den
P.P.A. no ta di aki te aya mas. Algun
ta mai contento pa motibo cu segun
nan opinion, luchadonan capaz cu ta
anjanan largo den e politica, manera
por ejemplo Oshaldo Croes, ta worde
bala un banda pa duna chens na cara-
(Sigi lesa riba pag. 4)

MAJAN GEZAGHEBBER TA CERA CONECCION DI MARIA MAAI Y BECINDARIO Ariba RED DI ELECTRICIDAD

ELMAR ta adelanta ariba e plan di
electrificacion di e districtonan afor

ORANJESTAD, 29 juli. — Ora cu majan anochi Ge-
zaghebber O.S. Henriquez, na cierto lugar na Maria Maai
primi un boton na un poste di luz y den e distrito aki luz-
nan cende paden y pafor, esaki ta nifica pa Aruba cu e
plan di tres anja pa electrificacion di Aruba den e skina-
nan di mas leeuw di cunucu lo corre cu skurid y cu
ELMAR ta percura pa esaki tuma lugar mas liher y barata
cu a worde pensa. E trabaoonan cu ELMAR mester a haci e
promer anja a bin cla na tempo.


Segun ir. F.D. Looman, director
di ELMAR a recorda prensa ariba e
contract cu a worde firma dia 7 di
diciembre 1961 entre teritorio insular
di Aruba y ELMAR cu cual ELMAR
a obliga su mes pa dentro di tres anja
percura pa cada cas na Aruba tin
electricidad y cu cual gobierno di A-
ruba a tuma pa cubri e perdanan
financiero, cu lo por resulta pa mo-
tivo di e contract entre ELMAR y
gobierno, pa e compania. E contract
pues ta bisa cu ELMAR tin di efec-
tua, tur e pedidanan pa coneccion di
electricidad, pero unicamente si e
coneccion aki ta duna cierto entra-
danan bruto pa ELMAR.
Si esaki no ta e caso, pa motibo
cu p.e. e edificio ta keda mucho
leuw, door di cua e gastonan
coneccion ta bin para den
un relacion desfavorable cu e
entradanan di consumicion, por tu-
ma lugar solamente si e oedoritor ta
garaniza un cierto consumicion of
contribucion den e gastonan di insta-
lacion. E gastonan di coneccion aki
awor teritorio insular a tuma riba die
pa paga.
Segun ir. Looman a participa dia-
sabrá mainta awor a keda stipula, cu
e gastonan aki lo ta razonable pa ter-
ritorio insular. El a splica, cu co-
neccion di e edificio cu ta aleha so,
por sali basta desfavorable, pero cu
e gastonan di otro banda por keda
hopi abao si den e teritorio aleha aki
hopi edificio alavez por worde instala.
Extra reduccion di e gastonan segun
ir. Looman ta ser adqueri door di ra-
cionalizacion di e trabaoonan y gran
entusiasmo entre e gruponan cu ta en-
carga cu e electrificacion di e distri-
ctonan di afor.

Cuanto exito ELMAR a logra cu
su „long range planning“ y racional-
izacion, a keda demostra durante e
wega di haaf Mericano cu e.o. a tra-
za e trabaoonan na Balashi cu algun
Cifranon
Durante e ultimo anja e siguiente
districtonan a ser electrifica:
Bahijn. Serne Kristal. Koeriboeri
riba 23-7-1962
Seroc Pita. Casibari. Seroc Lopez.
Tamarijn riba dia 31-10-1962
Ayo. Matavidi. Rooi Prikichi ri-
ba dia 22-12-1962
Cashero. Zumbo riba dia 8-3-1963
Kadushi Largo. Angochi riba dia
4-4-1963
Seroc Blancoe riba dia 25-7-1963
Seroc Compa. Caba Lodo. Urata-

HOSPITAL MERICANO PA SKOPLJE

BELGRADO, 29 juli. — Awe nan
a yama na Skoplje y becindario tur
hombenan salu entre 18 y 55 anja pa
yuda salha victimanan for di ruina.
Ayer mainta a yega Belgrado e di
8 hospital mohil di ehercito Mericano
pa duna ayudo na e victimanan di
Skoplje. E hospital a worde transporta
for di Alemania West cu 27 avion
Hercules di transportacion di ehercito
Mericano pa Belgrado.
Cada mei ora ta yega ne aeropuer-
to un avion cu doc'er, versleegster,
tent remedi, provision y equipo me-
dico.
E hospital ta consisti di 120 cama
y tin un personal di en total 209
hombre. Nan ta dispone di 30 auto.
Nan ta hini die luga di Alemania
West Landsluth.
E provisionnan di cua nan ta dis-
pone, la segun e funcionan Meri-
cano suficiente na corre 30 dia riba
nan mes forza. Despues di e ateriza-
he nan a transporta e hospital den
convoy pa e ciudad azota cu ta keda
10 ora careda di Belgrado.
Te aiera tardi mitar di cinco nan
no a conta ningun Hulandes entre e
victimanan.
Tampoco nan a hanja ningun auto
Hulandes den becindario di e hoel

Planta di awa y energia na Balashi for di aire



Esaki ta e empresa di awa y elec-
tricidad na Aruba, mira fur di aire.
Den centro adlant, e fabrica di
awa cu na drechi cuater tanki pa
deposito. E parti preto den centro
ta e edificio cu ta worde traha na
e momento pa extension di e fa-
brica di electricidad.
E parti blanco den e awa mas adi-
lanti ta e lugar caminda e awa cu
a resta (brine) despues di a saka
awa chisti for di dje ta worde ge-
spuit atrobe den e lagoen. Den
e huki na drechi mas ariba, un par-
ti di Spaans Lagoen.

(Foto Arubaanse Courant cu cooperacion di Aruba Flying Club)

J. Vicioso ganador „Concurso Literario Bolivar“

ORANJESTAD, 29 juli. — Dilarzon
anochi ultimo, durante di un asamblea
general e directiva nobo di Sociedad Bo-
livariana a keda instala. Despues di
e instalacion sr. M. Nucell Paoli, con-
sul general di Venezuela, a ofrece un
brincis na conmemoracion di e fecha
natal di Simon Bolivar.
Cu palahanan hun esochi senyor C.
A.G. Profeet, president di Sociedad Bo-
livariana a dirigi un palahra e ora na
tur e presente nan Inaugurando asina
e parti cultural di e anochi.

Declamacion
Den presenencia di mas o menos 80
damas y caballeros, senyor J. G. de
Castro, senyor J. R. Vicioso, senyor
H. Booi y senyor R. Maldonado a
duna algun disertacion y declama-
cion na un manera masha eloquente.
Senjora N. Sanjurjo a percura tam-
be pa un bonita parti di e programa
cultural, declamando na un manera
cu nos por yama perfecto. Despues
cu e personanan aki a duna nan pre-
sentacion, senyor Profeet a anuncia
number di e ganador den e „Con-
curso Literario Simon Bolivar“. Esaki
a resulta senyor J. R. Vicioso cu su
poema Perfil Heroico“, senyor Vi-
cioso, kende ta un conocido poeta y

PERFIL HEROICO

Es mayor el creador que lo creador:
Dios hizo al Nuevo Mundo, y en
(su seno
surgió un hombre total, el Héroe
(pleno:
Padre de un Continente emancipado.
Por su insigne caracter, troquelado
en la forja en que fluyera luz y trueno
—excelso pensador y gestor bueno—
pudo ingente ideal ser realizado.
Tal tué El Libertador, y tal su hazaña
que no decrece ni el olvido empaña:
no aró en el mar; edificó en lo eterno.
Bolivar simboliza la bandera
de redencion... Fierza primavera
al hombre sin ocaso y sin invierno!...
José Ramon Vicioso.

FAMIA HABIBE A CELEBRA 25 ANJA DI BODA

ORANJESTAD, 29 juli. — Dia-
sabrá ultimo a worde recorda, na
cas di famia N. Habibe Jr. e hecho
cu ta 25 anja pasa cu senyor y senjora
Habibe a cera enlace matrimonial.

Na e fiesta cu a worde teni na e re-
sidencia di senyor Habibe a asisti
mas o menos un 450 persona,
e.o. Gezaghebber O.S. Henriquez y
senjora. kleronan, y prominentean
for di nos comunidad. Diferente co-
leganan comerciante a bin felicitá
senyor y senjora Habibe cu e jubileo
aki.

BAPOR ALEMAN A ZINK

HAMBURG, 29 juli. — E bapor
Succo a dal awe tardi den e coaster
chiki Aleman „Ilona“. E bapor Ale-
man di 250 ton a zink inmediatamente.
E bapor Succo a tuma e tripulacion
di e bapor Aleman abordo y a
baha nan na terra na Den Helder. E
tripulacion di e bapor Aleman ta
consisti di 11 persona.



LAGO TA REACCIONA ATROBE EN CUESTION AFILIACION INTERNACIONAL

SAN NICOLAS, 29 juli. — Awor
cu ultimamente e bond di trabo for-
nan di Lago, „Independent Oil Work-
ers Union“, a anuncia na su miem-
bronan, cu na e momento nan ta in-
vestigando e posibilidadnan pa afi-
liacion internacional Lago a cuminsa
manera semper fuertemente con-
tra di relacionnan internacional di un
bond di trahadonan, protesta con-
tra di esaki.

E por a worde constata claramen-
te den e ultimo edicion di „Eso
News“, e publicacion di cada dos si-
man di e compania, den cual ariba
e „front-page“, ta worde anuncia, cu
dia 10 di juli ultimo e compania na
Baytown (Texas) di Standard Oil, e
bond internacional di Oil, Chemical
& Atomic Workers Union (O. C.
A. W.), a worde derota door di un
bond independiente di trahadonan
cu ultimamente a worde establece.
Na anja 1959 Baytown Employees
Federation a perde for di O.C.A.W.
cu 1196 contra 1621 voto. E eligi-
mento ariba dia 10 di juli ultimo ta-
bata un punto final pa elimina
O.C.A.W. for di e compania Bay-
town. E disguston cu tabatin con-
tra di e bond internacional segun
„Eso News“ tabata 1. O.C.A.W. no
a cumpli cu e promesanan cu e a
haci na anja 1959: 2. e rol cu OCAW
ta hunga den e huelgan continuo,
manera nor ejemplo na e Compania
di Shell na Houston, cual ya ta
dura 10 luna. 3. e hecho cu e lider-
nan di O.C.A.W. di Baytown conti-
nuamente ta baw di presion di e or-
ganizacion internacional.

INAUGURATION OF HOTEL BONAIRE

Thursday, 1st of august 1963

For reservation call:

LOCAL TOURIST OFFICES

AWENOCHI, 29 di juli 1963, pa 8.30

presentacion di

OTTO STERMAN

den CENTRO CULTURAL.

*Antillananan di bishita
serca Senjora Debrot
na Hulanda*

Chroestsjow ta bisa cu acuerdo di Moscu ta un bon cuminsamentu

LONDEN, 29 juli. — Chroestsjow a declara ayera den un entrevista cu e corant ruso Sovietica „Izvestia", cu e acuerdo pa stop prueba nuclear parzialmente, cu nan a firma na Moscu, por wordé yama un bon cuminsamentu, y cu e ta di gran importancia internacional. El a bisa cu e ta spera cu e potencionan di Occidente lo sigui awo cu regla problemanan grandi internacional y firma un acuerdo di paz cu Alemania, e problema mas importante pa paz.

„Mi kier felicita tur hendenan di buena fé, cu a dedica nan forsanan na un acuerdo pa stop prueba nuclear, tambe mi kier duna e gobiernonan di Merca y Inglaterra y nan representantenan loka nan merece.

E hecho cu e acuerdo a wordé lográ, ta demostra cu ora e potencionan grandi kier, por logra éxito na solucion di problemanan internacional bao di condicionnan aceptable pa ambos partidonan, asina Chroestsjow a bisa.

El a sigui bisando cu no ta correcto pa exagera e éxito y asina debilita e forsa y firmeza pa e demas esfuerzonan pa regla asuntunan di cual paz mundial ta depende. „Mester ta bon convencí cu prohibicion di prueba nuclear no ta nifica cu a bini un fin na e competencia di armamentu, y pues riba su mes ainda no ta desvia e peligro di guerra, segun Chroestsjow. E tarea mas principal ta keda precisamen-

te e stopmento di e competencia y desarme.

Gobierno Ruso Sovietico ta di opinion cu awo tin oportunidatnan razonable pa soluciona e problemanan internacional. Como prome di eseyan e ta mira un pacto di no agresion entre e paisnan di NATO y esnan di e pacto di Warschau.

Na e deliberacionnan na Moscu a wordé conveni pa sigui delibera tocante e problema ey. E forma di un tal pacto ta di menos importancia, asina Chroestsjow a bisa.

Resolucion contra Portugal den Consejo di Seguridad

NEW YORK, 29 juli. — Ghana, Marokko y Filipinas awe a presenta un resolucion den cual ta wordé insisti serca e consejo di Seguridad riba un prohibicion pa prohibi export di arma pa Portugal. Ta wordé calcula cu e representante di Ghana lo entregá e resolucion oficialmente.

E consejo di seguridad, cu a reuni riba peticion di e 32 estadonan Africanas, ta atendiendo actualmente e situacion den e territorionan portugueses na Africa. Guinea y Mozambique.

Portugal ta wordé acusa di ta oprimi nacionalismo Africano cu violencia di arma.

YABI

pa bo éxito

ACUERDO ENTRE VENEZUELA Y COLOMBIA

BOGOTA, 29 juli. — Segun informe Venezuela y Colombia lo firma un tratado economico y comercial politico durante e proximo encuentro di e presidentenan di e dos paisnan.

Segun noticianan cu te awo aki no ta confirmá acuerdonan tocante cooperacion entre Venezuela y Colombia den e sector di staa fin preferencia. Den ambos pais nan tin intencion di traha fabricanan nobo di staa. Na Venezuela lo bini e fabrica nobo „Orinoco" y na Colombia lo bini un fabrica di staa na Barranquilla.

PRESIDENT SOEKARNO LO BAI MANILLA

DIAKARTA, 29 juli. — President Soekarno di Indonesia a participa awe na Diakara, cu dialuna e lo baha pa Manila pa asistí cayan na un conferencia cumbre di hefehan di estado di Indonesia, Filipinas y Marokko tocante e federacion di Malaisia cu ta cuminsa funciona aki un luna.

Na un reunion masal e president di Indonesia a bisa, cu e ta bai Manila na bienestar di pueblo Indones, na e bringa contra e plan Ingles-Malaisia.

MINISTRO NOBO PA FILIPINAS

MANILA, 29 juli. — President Macarao di Filipinas a nombra Salvador P. Lopez, kende actualmente ta rono di embahador, como minister di exterior. Salvador Lopez ta sigui e vice-president y minister di exterior, Eustacio Pelaez, kende a retira.

ARESTACIONAN NA SIRIA

BEIROET, 29 juli. — Radio Damasco ta anuncia cu dos lider di e golpe di estado cu siman pasa a fracasá na Siria, a wordé aresta. E arrestadonan ta coronel Jassem Aloane y capitán Rael El Maari.

Coronel Aloane tabata esun cu a cuminsa e lantamentu, cu a wordé haci na anja 1962 na Aleppo, y cu tambe tabata intencion na trece simpatizadornan di Nasser na poder na Siria.

Un otro lider di e golpe fracasá, e ex-general mayor Mohammed Al Djarrah, a wordé aresta for di diaterne, manera ya nos a anuncia.

TA BENDE

- 1 set di sala
- 1 set di comedor
- 1 cabinet
- 1 stoof "Magic Chef",
- 1 labaplasto
- 1 Nevera G.E.
- 1 kashi pa cushina

Pa inf.: Juma Tel. 1747.

FONDO MUNDIAL CONTRA HAMBER Y MISERIA

ROMA, 29 juli. — E director general di e organizacion di cuminda y agricultura di Nacionan Uni, a propone awe na Roma pa establece un fondo pa libra munda di hamber y miseria. E plananan pa e fondo lo mester bini for di e ahorraanan, cu ta wordé haci riba gastunan militar.

El a propone e representantenan di e hefehan di estado cu a negocia na Moscu tocante e acuerdo pa stop prueba nuclear, pa adopta un siplacion, den e acuerdo, na cual ta wordé peca pa establecimiento di e fondo menciona.

CLAUSURA DI CONFERENCIA IGLESIASICO NA MONTREAL

MONTREAL, 29 juli. — E conferencia tocante religion y orden di Iglesia, cu a wordé tene e ultimo dos siman na Montreal, a wordé clausura mundial di iglesia na Montreal, a wordé clausura antayera cu un declaracion cu nan ta na caminda pa Union Cristiana.

E president nobo pa e comision di religion y orden di iglesia di e consejo mundial di iglesia, dr. Paul Minear, a duna como su opinion den un resumen, cu e conferencia, na cual a participa 300 persona prominente for di iglesianan protestant y orthodox tabata di un parti un fracaso pasobra nan a atende muchu intencionalmente e puntunan grandi di diferencia. Pero como reunion ecumenico y reunion tabata un éxito riparable, asina profesor Minear a bisa.

Vaticano a manda cinco observador oficial, mientras cu 15 otro religioso catolico a asistí na e conferencia como invitados.

MIDYEAR SALE

PANAMA STORE
TELA WASH'N WEAR
di 50 ct. pa riba pa yarda
TELA DACRON Y COTTON,
antes f 2.25 pa yarda,
awor f 1.50 unicamente!
SAPATO PA DAMAS
f 1.75
CAMISA BANLON PA
CABALLEROS
2 pa prijs di 1.

y hopi otro articulo mas na prijsnan drasticamente reduci

Panama Store

REUNION DI GRUPONAN DI BRAZZAVILLE

GOTONOU, 29 juli. — Nuebe hefe di estado di e 13 paisnan di e union e paisnan Africanos di abla Frances, tres anja pasa a forma e grupo di Brazzaville, lo reuni ayera na Gotonou cu e estado Dahomey. Den e ultimo reunion dianan e ministernan di exterior consulta riba e pregunta, si e union mester sigi existi of mester wordé adota den e organizacion pa union Africana, cu a wordé establece na mei e un reunion di representantenan di estado Africano na Addis Abeba. Pa cu e ministernan a yega na un acuerdo, cu e union mester sigi existi, cu su doctrina mester wordé aplica e decisionan di Addis Abeba.

E ministernan di exterior di e paisnan di e organizacion pa Union Africano ta reuni dia prome di august na Dakar.

ACUERDO ENTRE RUSIA Y PERSIA

TEHERAN, 29 juli. — Ayera a firma na Teheran un acuerdo pa danza tecnica y economica entre Union Sovietica y Persia.

E acuerdo ta provisiona den construcion di un dam den e rio di fronta „Aras". E gastunan di e dam aki wordé cubri pa ambos pais. Union Sovietica lo duna e Persia un prestamo 35 milyon roebel, a base di e acuerdo na lo construi tambe diestun sila trigo na Persia.

GABINETE NOBO NA PERU

LIMA, 29 juli. — E president nobo di Peru, ernando FBelaunde Terry, forma un gabinete cu ta bao di direccion di dr. Oscar Trelles, fundador e partido Accion Popular. Dr. Trelles lo actua como premier y minister interior. Fernando Schwalb lo actua como minister di exterior. E ministernan pa ehército, flota y forza aerea ta oficialnan cu ta den servicio activo.

E gobierno di Trelles ta hanja de ambos camara di congreso cu un oposicion cu ta den mayoria.

E trabanonan di Delta den e tercio entre e provincia Zealand y Zuid-Holland ta brinda hopi turistanan Hulandes oportunidad pa provecha di un bia di beach poco stranja. Den beachrion di un di e diquehan en construcion nos ta ultra poco landado gaza e „beach" cu a wordé traha pa e dragan y cu tin un hauchura di diez cien meter tin blaha.



Diahuebs atardi dia 11 di juli pa 4'or senjora E. Debrot-Reed esposa di Gobernador Debrot di Antillas a ricibi un grupo grandi di mucha antihernan Antillano cu ta studia na Hulanda pa huilslouclerates y kluderverzorgster. Na

e encuentro aki den hotel Des Indes na Den Haag tambe tabata presente senjora M.C. Kortals-Hamming, esposa di ex-vice-minister-president di Hulanda. E intencion tabata pa trece e mucha antihernan den contacto cu otro y asina

haci un principio pa encuentronan regular di e Antillanan aki. Durante di e encuentro aki un pelicula tocante Kincerverzorging na Hulanda a ser presenta. Tabata presente e damasnan: Teresita Petronia, Myrna da Costa

Gomez; Cornelia Kappel; Carla de Windt; Hermine Brün van Rozenburg; Muriel Bruyn van Rozenburg; Claire Torres; Gloria Bell; Rosa Henriquez; Dorodean Innis; Bertranda Leverock; Helen Rojer.

CISCO KID presenta pa cortesia di ARUBA BOTTLING COMPANY

e promer fabrica di refresco na Aruba, cu e productonan mas gusta y mas pidí. NESBITTS e refresco sin igual.



1. Hola, Garra Roja. Con ta bai Vigo Baños!
2. Kiko bo kier, Gran Guerrero y hefe di e Guerrero-nan? Compra armanan?
3. Bo tin placa? Ainda no! Duna mi e armanan y lo bo hanje!



PEPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulo sanitario.

1. Boso bini liber, tin un rason aki den pura bini.
2. Atakele!
3. Purg no, eh, ta kiko falta bosonan?
4. Nan no ta gusta rason.



JAMBOREE MUNDIAL NA ATHENA

ATHENA, 29 juli. — Nan ta spera mas di 14.000 padvinder for 85 pais ne di 11 Jamboree mundial cu ta wordé tene di prome te 11 di agosto na Marathon na mas o menos 45 kilometer na noroost di Athena, banda di costa nan a lanta un campamento di 5 kilometer cuadra, cu ta parti den 11 pida cada uno pa mas o menos 1.200 padvinder.

Nan a yama e departamentonan aki na diferente forzanan di guerra, cu tabata relaciona 25 siglo pasa na batalla di Marathon. Tabatin door di esaki dificultadnan cu e gobierno di Persia, cu a laga e padvinderan

Griego sa, cu e no ta di acuerdo cu e signal riba e campo di batalla cu a termina den un derrota humillante pa ehército di Persia.

Te despues cu nan a segura di fuente Griego cu nan no tin ningun intencion, e padvinderan di Persia a dicidi pa participa na Jamboree. Pa keda den estilo nan lo tuma e mesun ruta cu Rey Darius a tuma cu e ehército 25 siglo pasa.

Gran Britania lo manda e cantidad mas grandi di padvinderan na Jamboree, mas o menos 1.500, Francia ta na di dos luga cu 1.200 participante y Grecia cu 1.000 delegado.



E EMBLEMA DI .RON SIGLO 20. TIN 8 COLOR!



E CONCURSO DI RON SIGLO 20, ORGANISA PE AGENTE LICORES ARUBA N. V. TABANA UN EXITO. CANTIDAD DI HENDE A PARTICIPA, Y TABATIN HOPI CONTESTA CORRECTO, ENTRE ESAKINAN SUERTE A TOCA NA:

Sr. GERARD VROLIJK di Shiribana 4, kende a gana e prome premio, Fl. 25.—;

Segundo premio a bai pa RUBEN MADURO di Sta. Cruz 16, kende a hanja 1/2 galon di RON SIGLO 20, y di tres premio a bai pa srta. ALBERTINA DIJKHOFF di Nuña 8, kende a hanja un botter di un litro di RON SIGLO 20.

ARIBA E PORTRET AKI NOS TA MIRA DIRECTOR DI LICORES ARUBA ENTREGANDO E PROME PREMIO NA SENJORA DJE GANADOR, DEN PRESENCIA DI E OTRO DOS GANADORAN.

Y corda... cu botter bashi di RON SIGLO 20, semper tin bator y por worde cambia pa bu-nita regalos.

TUR HENDE MODERNO TA CAMBIA PA RON „SIGLO 20“! Agente na Aruba

LICORES ARUBA N.V.
NIEUWSTRAAT 36 TEL. 1094

HASI MAS USO DI ELECTRICIDAD NA CAS !!

farea di ama di cas ta bira mu-
ho mas suave y bida di amanar
di cas ta bira mucho mas
agradabel

ELMAR

MINISTER LUNS A REGRESA DI AFRIKA

SCHIPHOL, 29 juli. — Yen di e-
logio pa e president di Kameroun.
Admadou Ahidjo, kende a resulta di
ta perfectamen'e na altura di tur cla-
se di problemanan mundial, e minis-
ter Hulandes di exterior, mr. Luns, a
yega awe na Schiphol despues di su
prome bishita na Africa. Na Jaen-
de, capital di Kameroun, el a firma e
convenio nobo, den cual asociaion di
18 pais Africano hoben, ta worde
stipula.

Den e cinco anjanan cu ta bini e
paisnan di EEG lo yuda e estacionan
ey na nan desarollo cu un suma to-
tal di 730 milyon dollar. Probable-
mente lo agrega ochenta milyon mis
na e suma ey.

CONFERENCIA DI PRENSA
DI HARRIMAN

HYANNISPORT, 29 juli. — E del-
berador Mericano pa e deliberacionnan
na Moscu tocante un acuerdo nuclear,
Harriman a duna diasabra, na Hyannis-
port rapport na president Kennedy to-
cante conferencia na Moscu. Segun
circulonan bon informa e tabatin pa e
president Mericano un mensahe di e
promer minister Ruso Chroeshtef.

Segun nan a anuncia e lider Ruso
a bisa den e mensahe aki di ta masha
contentu tocante saramentu dje a-
uerdo nuclear aki y ta spera cu e
acuerdo aki lo conduci pa un com-
prension mas profundo entre oost y
west.

Despues di su entrevista cu presi-
dent Kennedy Harriman a declara
na un conferencia di prensa, cu na
Moscu nan no a delibera tocante nin-
gun otro kestion cu un ta e acuerdo
limita pa prueba nuclear. Pero si nan
a papia tocante instalacion di pueston-
nan di control pa evita atakenan inces-
pera.

Tocante e tratado nuclear nan a di-
cidi cu nan lo papia cu e alladonan
di Merca tocante es posibilidad pa
firma un tratado di no atake entre
NAVO y paisnan dje pacto di War-
schau segun Harriman Chroeshtef kier
a duna cu rubricacion dje acuerdo di
Moscu e Chinesnan comunista un
prueba di su politik di biba pacifi-
camente banda di otro por conduci
pa resultadonan.

AVION DI TRAFICO DI
EGYPTO A SUFRI DESGRACIA

BOMBAY, 29 juli. — Foi ajera
nochi nan a perde na India un avion
di trafico di Egypto cu probablemente
te 52 pasahero y un tripulacion di
ocho persona abordo. Ta trata dje
avion jef di „United Arab Airlines“,
e avion tabata di caminda di Tok'o
pa Cairo y mester a baha ne aereo-
puerto di Bombay prome cu e sigui
su viahe.

Bapornan di Marina y avionnan di
India ta buscando e avion perdi. Ri-
ba schermnan di radar dje aeropuerto
di Bombay nan a signala e avion por
ultimo bez cu esaki tabata na un al-
tura di 2300 meter riba laman y a
cuminza prepara pa baha. Abordo dje
avion tabatin mas di 26 padvinder
foi Filipinas cu tabata di caminda
pa Athoroe na Grecia.

Despues nan a anuncia, cu baporn-
nan di marina di India a mira na
mas o menos 16 kilometer dje aereo-
puerto Santa Cruz obhetonan den
laman cu por ta dje restonan dje a-
vion.

Autoridadnan Hapones na Tokio a
bisa cu na Tokio e marineru Hulan-
des Adrianus Hagovers cu ta bini di
Zeelandia a subi abordo dje avion
cu destino pa Cairo.

Cumpleanjos



Dia 26 di juli a cumpli anja e sim-
patia e encantadora senjora Mari-
ta Gaari. Felicitacion ta bini di tur
su majornan y rumannan. Na Aru-
ba di familia Gaari. Na Corsow di
familia Pinto, familia Magdalena, fa-
milia Pietersz y demas familia y eono-
eliman.

Dia 25 di juli a cumpli anja e sim-
patia senjora Kristina Maduro, fe-
licitacion ta bini di su mama Berna-
dina, tata Agripino, rumannan Min-
guel, Dodo, Nicolas, Andres, Bertha,
Maria, Toni, sobrinu y sobrinanan,
familia Maduro y lo demas.

Awe dia 29 di juli ta cumpli anja
Rica Steenen. Felicitacion ta bini di
su estimada mama Luciana, di tur
su rumannan, di su swa Hans Wiers-
ma, comper y comper Elaine y Mario
Steenen, subrina Zeldia y tambe di
Sharina Steenen y tur su amiganan
y amigonan di Arends Esso Service
Center.

Dia 29 di juli Pedro Almarie y su
senjora Agnes Almarie ta haci 32
anja di nan feliz matrimonio, felici-
tacion ta bini di nan yiuinan, suegra-
nan, nieto y nietanan y demas familia.

MARLON BRANDO TA
DEMONSTRA CONTRA
SEPARACION RACIAL

TORRANCE, 29 juli. — Entre un
grupo di hende blanco y di color cu
tabata demostra ajera den un barrio
pa solamente hendenan di color dje
ciudad di California Torrance, con-
tra separacion racial tabatin e famo-
so artista di cine Marlon Brando, cu
a caba di sali di hospital, caminda
nan a tenele pa motibu di un infec-
cion na su nier.

Varios biha polis mester a ordena
Brando pa sigui e ora cu e taba-
ta para papia cu periodista. Polis
a aresta mas di 20 demonstrante,
pasobra nan no tabata haci caso di
orden di polis pa sigui e ora y a ke-
da para. Un poco prome cu e actor a
uni cu e demonstranten nan a are-
sta eaba 12 persona pasobra nan a
hai sinta den un caso en construcion.

AGENDA

CINE

Dialuna 29 juli 1963
DE VEER 8.30 p.m. „Town without pity“ 18 J
RIALOT 8 p.m. „Underworld U.S.A.“ 18 J
PRINCIPAL 8 p.m. „The Alamo“ 14 J
AURORA 8 p.m. „Trando a Matar“ 18 J
SAVANETA 8 p.m. „Merrill's Marau-
ders“, au

BOTICANAN DI WARDA

Oranjestad: BOTICA ARUBA, tel. 1081-1180
San Nicolas: BOTICA SAN LUCAS, tel. 5119

DOKTERAN DI WARDA

Oranjestad-Noord: Dr. J. R. Leo
San Nic.-Sta. Cruz-Sava: Dr. H. R. Dennert

WIT-GELE KRUIS

San Nicolas: Dr. Forstman
Oranjestad: Dr. Ewald
Santa Cruz: Dr. Ludovica

POSTSLUITINGEN

Dialuna

Angella 14.00, Antigua 14.00, Argentina 14.00, Bolivia 14.00, Brasil 14.00, Canada 14.00, Chile 14.00, Colombia 14.00, Costa Rica 14.00, Cuba 14.00, Curacao 14.00, Ecuador 14.00, El Salvador 14.00, Europa (Azul-Africa) 14.00, Fr. Guinea 14.00, Guadeloupe 14.00, Guatemala 14.00, Haiti 14.00, Honduras 14.00, Martinique 14.00, Mexico 14.00, Montserrat 14.00, Miami Fla. 14.00, (Azul-Africa-Australia)

RADIO KELKBOOM

Dialuna 29 juli 1963

7.00 Opening
7.05 Bon dia cu alegria (instrumental)
7.30 Musica matutina
8.00 Seleccion musical cu disconan
11.15 Musica Latina
8.30 Cumpleanjos felix
9.00 Noticiario social
9.15 Musica varia
9.30 Melodias instrumentales
10.00 Noticiario internacional
10.05 Ritmos Latinos
10.10 Programa de N. Habibe Jr.
11.00 Noticiario internacional
11.05 Musica Norte Americana
11.15 Musica Antillana
11.30 Musica varia
12.05 Noticiario internacional
12.10 Musica Norte Americana
12.45 Noticiario local
01.00 Musica varia
01.30 Mel ora cu boleros
02.00 Novela (repeticion)
02.30 Peticiones
02.50 Twist
03.15 Merengues
03.30 Calypso
03.45 La Macoriana & Internacional
04.00 Musica cu sabor Azteca
04.30 Noticiario local
04.45 Cocktail musical
05.00 Danzones Cubanos
05.15 Musica varia
05.30 All Stars
06.00 Noticiario deportivo
06.15 Musica varia
06.30 Musica para la cena
07.00 Noticiario internacional na Papi-
amento
07.15 Musica Europeo
07.45 Dese Wonderland (R.N.W.)
08.00 Musica Norte Americana
08.15 Novela (Vida Robada)
08.45 Musica varia
10.00 Sluiting.

RADIO CARACAS

TELEVISION

Dialuna 29 juli 1963

8.45 Senderos de Luz
9.00 Caja con sorpresas
9.30 Jardin de Infancia
10.00 Programa de Cecilia Martinez
10.30 Programa de Cecilia Martinez
11.00 Supermercado del aire
11.15 Quien es quien en T.V.

11.30 Novela
12.00 Show de Saime
12.00 Baile de la noche
12.30 Pelicula
12.45 Novela
13.00 Revolver a la rodan
13.30 Shanno
14.00 Telecinco
14.30 Un moderno Don Juan
15.00 El observador
15.15 Novela
15.30 Pelicula
15.45 Cine para todos
16.30 Boris Karloff
17.00 M-Squad
17.30 Radio Rochela
18.00 M-Squad
18.30 Boris Karloff
19.00 Pelicula
22.35 Cine para todos.

RADIO VICTORIA

Dialuna 29 juli 1963

A.M.
8.00 Aperlura
9.05 Ultimas noticias
9.15 E bibel habri
9.30 E mundo Femenino
9.45 Cancionan di evangelio
10.00 World News
10.10 The Bible for you
10.15 Radio Revival
10.45 Organ Melodias
11.00 Chapel of the air
11.15 Cafe con musica
11.30 Melodias di meridia
P.M.
12.00 Ultimas noticias
12.15 Musica sacrada
12.30 World news
12.45 Quiet Time
1.00 Radio concert hall
2.00 Reading Room
2.15 Songs of Zion
2.30 Quiet hour
2.45 Ensueños musicales
3.15 Melodias del alma
3.30 La hora Bautista
4.00 Musica di banda
4.15 Ultimas noticias
4.30 Yere! Turje
4.45 Noticias na Spangol
5.00 La voz del evangelio
5.15 Palabranan di bida
5.30 Musica para la cena
6.00 Ultimas noticias
6.30 Interludio musicales
6.45 Noticias de la semana
7.00 Hymns that live
7.15 Sailor Sam
7.30 Lago hour
8.00 World news
8.15 Off the record
8.30 Back to the Bible
9.00 Musical Gems
9.30 Haven of Rest
10.00 World news
10.05 Klaster musik
11.00 Sign off.

SECUA NA INDIA

NUEVA DELHI, 29 juli. — Si
yobidanen di tempu di anja no bini
pronto na India, anto e estado Raj-
distan na noordwest India lo worde
azota pa un terrible necesidad di eu-
minda, asina e hefe di e estado aki,
Soechadia a bisa.

E eosecha den otro partinan di
noordwest India, manera na Ocar
Pradesj, Goedjerat y Madja Pradesj
tambe ta worde amenza pa secua.
Ya yobida ta un luna laat y meteoro-
logonan no ta spera yobida den e
dianan cu ta bini tampoco.

VERLOOF

Josefina del Rosario

ed

Max Croes

(Chommy)

Aruba, 28 juli 1963.

JICK TRACY

1. Okay, laga nos pura.
2. Tende kiko mi a bisa.
3. Yudami, sino mi ta bira
abo cu e mucha homber-
dos akinan.
4. Juisti, asina, haci mescos
eu e ta sosa su ebo-
bo schouder.



RIP KIRBY JAN BODEGOM & CO (Aruba) N.V. TEL. 1284 — 1402

agente exclusivo di FRIESCH VLAG lechi evaporado v lechi en polvo MAXWELL HOUSE KOFFIE



BUCHI ROBEZ presento pa cortesia di: REFRESQUERIA INGRID TEL. 1849

* e mehor adres pa snacks, tur clase di dushi, softdrinks, ice-cream y revistas



MENOSPRECIO y TRIUNFO

HOLLANDSE BANKETBAKKERIJ

transf. tel. 2798 San Nicolas tel. 4479

adres pa bolo y tur clase di pasa-boc.

Diariamente fresco

— 22 —

Ursula a pusha su man un banda.

Cristina ta bini. Mi senjora ta-
bata jama Van Wolaken. Mi no a
conta bo tur cos!Si mi ta corda. Pero lo tin mas
Wolaken, tabata un familia grandi.
Y e nomber Cristina no ta nada
stranja.E portret tabata masha decorativo,
pero no mucho scerpi. E caranan no
tabata muchu cla.—Calma bo mes un poco, Ursula.
Si bo kier, bo por scirbi e hendenan.
Quizas nan lo contesta. Pero no spera
muchu cos. Y pakiko nan lo a du-
na bo yiu nan nomber? Bo tabata
solamente un sirvienta y mi no por
imagina cu nan lo adopta e yiu di un
sirvienta.Tabata sona masha logico, pero
sin embargo Ursula tabata sa cu e no
lo tin paz mas, prome cu e mes lo
a papia cu e hendenan.E lo no scirbi, pero bai su mes. Y
mas pronto posibel.—Aha bo ta mira ya bo ta hanja
poco color atrobe. Ursula bo por
spanta hende. Eria a bisa. Pone e re-
vista un banda, kiko nos tin di hai-
cu matrimonio nan di e aristocran-
nan.—Pero si en berdad e ta mi Cristi-
na? Esta contentu e lo ta ora mi pa-
ra su dilanti.Ursula su voz tabata tembla. Im-
agina bo mes Eria. E ta kere cu mi ta
morto, quiza hasta mi portret e tin
den su kamber... y di repente mi
ta oia.—Ursula, no imagina bo nada. Bo
no sa mes, si e ta bo yiu. Ami en
todo caso no ta kere.Cuidadosamente el a sake for di
su stoel y a coge brase. E tabata llo-
ra y tiernamente Eria a carla su ca-
bez.

—Bo a lega di puntra bo mes caba,

cu ta bon pa bo bai serca dje atro-
be...? E ta kere cu bo ta morto.Probablemente e ta sinti su mes bon
den su circulo. Y awor un hende ta
jega cu ta pone posesion riba dje.

Un muher cu e no conoce mes.

—Asina solamente un homber por
papia. Bo no conoce mi senjora sino
bo lo sa cu e lo a conta Cristina se-
guramente hopi di mi. Mi mester bai.
Bo no mester culpa mi Eria!—Si ta absolutamente necesario!
Eria a bisa su schouder. Quizas ni si-
kiera nan ta ricibi.Eva a bai habri e porte ora cu e
bel a sona. Su pia a eura completa-
mente, y e no tabata molestie mas.
Manera el a spera Ludo tabata pa-
ra pafor. El a tresce flor y su sonrisa
a trankilisa su curazon rebelde.—Mi tin tantu tempu sin mira bo!
Ludo a tuma su esposa hoben den su
braza y a sunche.—Tabata un sunchi largu, cu a worde
interumpi pa un sonido stranja den
cushina.—Th e awa pa koffiel! Eva a kita
bai paga e stoof. Ludo a sigui e pa
cushina.—Bo ta satisfecho...? e esposa
hoben a puntra, sin bisa su wowo.Ludo a hanja e impresion cu e taba-
tin miedu pa su contesta.—Naturalmente, kiko bo a pensa
anto? el a hari alegre.—Wel... nos eas ta asina chik-
tu, bo no ta custumbra. Y bo trabao
awor...—Mi ta sinti mi mes masha bon
como experto di agricultura. Mi tin
mi salario, y si mi tin suerte, tambe
mi lo hanja pensioen.—Bo tin problemanan Eva? Bo no
ta jega cu e placa di cas?

Eva a hira corra.

—Bo ta duna mi asina hopi cu mi

por hasta spaar. Pero mi ta puntra
mi mes si abo ta satisfecho cu e bi-
da aki.—Si. Y no laga nos papia mas a-
riba esey. Nos sa kiko nos tin. Y
semper mi lo haci e mesun decision.
Mi ta asina feliz cu bo Eva.Eva a bin sinta riba su seotichi y
a pone su brazanan rond di dje. E
tabata kere cu e tabata papia berdad
pero semper tabatin un poco inkietud
den su curazon.E siguiente mainta, ora cu Ludo a
bai trabao, el a bisti su panja lher.
Y un ora despues e trein a hibe pa
e castillo di Brookhoff. Tabata un
loera quiza pa trata di reconcilia
Ludo cu su mayornan, pero e no lo
tin sosiego, prome cu el a haci e ul-
timo intento aki.Toch su curazon tabata hata cu
miedu ora cu el a subi e trappi di
marmol grandi.Un sirvienta a punte kiko su de-
seco tabata. Eva a papia masha poco
poco manera e tabatin miedu di pa-
pia duru den e cas, eaminda nan no
tabata dese.—Mi lo duna e respondi. E hom-
ber a bai sin hari ruido. Eva su bista
a cai riba e portretinan costoso na
muraya. Kiko su mayornan lo bisa,
ora cu Ludo su esposa para di re-
pente dilanti nan.E sirvienta a regresa. Danki Dios
e no mester a spera mas. E eara di e
hombher tabata inmovil, manera di
piedra.—Ta duel senyor y senjora pero
nan no por ricibi bo.

Eva a hira blancu, blancu.

—Bo no a bisa nan ken mi ta an-
to? el a puntra indigna. Mi kier pa
bo hisa na ta masha importante.—Ta duel mi senjora condesa. Mi
orden ta pa companja bo pafor. Bo
kier sigui mi?E homber a eamna bai su dilanti,
un homber sin sentimentu.

—E ora mi mes lo bai serca nan.

Eva a eamna bai pa e porta, camin-
da e homber a drenta poco ratu pasa.Ludo su mayornan tabata sinta den
e salon. Ora cu Eva a corre drenta,
nan a hira nan eara poco poco.—Kiko abo ta desea aki? eonde
Raymon a puntra friu. Jose bo no a
comprende kiko mi a bisa bo?E homber cu a bin para tras di
Eva a baha su cabez.

—Senjora condesa...

(E ta sigui)

FL. 50.—

**PA UN
NUMBER NOBO**

PA

„ARUBAANSE COURANT“

**TUR NOS ABONADONAN
SA CABA:**

cu bo reporternan y tur otro empleadonon di „Arubaanse Courant“ ta haciendo tur nan posibel po ofrece bo diariamente un ban corant. Cu nan tin exito, bo ta ripara mesora, si ba compara e corant di awe, cu un corant di anja pasado:
**MUCHU MAS PORTRET Y NOTICIA
DI BO MES ARUBA!**

Den e 8 anja y mei cu nos ta dirigi e corant aki, nos a cambiele di un completamente na HULANDES, pa 99% na PAPIAMENTO

**Awor cu esun porcientu cu ta falta, nos lo
aprecia yudanza di nos lectoran.**

**E NUMBER NA HULANDES MESTER BIRA
NA PAPIAMENTO!**

BO SA UN NUMBER ADECUADO?

**E mester ta energico, facil pa pronuncia,
caracteristico y digno.**

**SOLAMENTE ABONADOS
POR PARTICIPA**

Manda ba sugestionnan por escrito pa
ARUBAANSE COURANT, NASSAUSTRAT 85.
Marca ariba e envelop „Nomber nobo“

FECHA FINAL:

10 di Agosto 1963

Solamente si tin un nomber cu nos lo usa, e premio di f 50.— la worde entrego. Si entre tur e remitentenan no tin ningun nomber cu worde usa, anto nos lo nombra un jurado pa selecta das dje mehoran, y recompensa esakinan cu f 25.— cada uno.

BIRA ABONADO AWOR

Di e unico diario na PAPIAMENTO riba mundo!

Un bista di e corridor di paseo di e hotel nobo na Bonaire ariba di e tereno di midgetgolf y e picina pa e edificio principal di e hotel nobo.

Hotel nobo na Bonaire ta habri su porta dia 1 di augustus

(Di nos correspondent)
KRAENDIJK, 29 juli. — Manera anuncia e hotel nobo na Bonaire ta habri su portanan dia 1 di agosto oficialmente. Si ta berdad cu e intencion ta pa den un futuro cercano un inauguracion solem y festivo tuma lugar, pero e inauguracion oficial aki ta spera ainda riba e regreso di algun autoridad haltu for di Hulanda.

Entretanto e directiva kier eminsa ya eaba pa ofrece servicio na turistanan. pesey nan ta eminsa for di dia prome di augustus eaba. Cu nan por

**„SYNCOM“ TA SALI
FOR DI SU RUMBO**

CABO CANAVERAL, 29 juli. — E satelite nobo Mericano di comunicacion Syncom dos cu nan a lanza diabierna a sali for di su rumbo. E oficina Mericano pa viahe espacial y viahe aerea a participa cu Syncom ta dirigi su mes den direccion oriental en bez di occidental manera tabata e intencion. Nan ta spera cu nan por yuda e contrariedad chiki aki por medio di accionnan radiografico.

Syncom mester dirigi su mes durante ocho dia den direccion occidental banda di Evenaar y despues keda cologia na un punto riba Brazil na 25.900 kilometer di altura.

Despues NASA a anuncia cu nan a dreeha for Kingsport, un bapor di marina Mericano den haf di Lagos na Nigeria e desviacion di Syncom.

**WASHINGTON POST TOCANTE
DELIBERACIONAN
NA MOSCU**

WASHINGTON, 29 juli. — E corant Mericano „Washington Post“ a scirbi awe, cu rechazo door di Senado Mericano di e acuerdo pa stop prueba nuclear na Moscú por tin consecucionnan cu lo ta horrible pa pensa riba. Segun e corant e acuerdo lo no treece un fin di guerra friu of quita e amenaza di un atake Sovietico, pero si e lo abri caminda pa progresonan riba otro caminda.

Por lo demas e corant tabata di opinion, cu e senado lo aproba e acuerdo sigur.

habri for di awor caba seguramente lo ta un gran satisfaccion pa sr. M.A. Linhart, cu desde principio tabata un di e forzanan mas importante pa e construccion di hotelnan na Bonaire.

MACMILLAN OPTIMISTA

LONDEN, 29 juli. — E prome minister Ingles, MacMillan, a bisa awe den un discurso na canterbury, na sur Inglaterra, cu e acuerdo pa stop prueba nuclear cu a worde firma na Moscú, mester worde considera como un suceso di gran importancia, door di cual oost y west ta hantia un oportunidad nobo, cu nan no mester laga bai. El a agrega — esaki por ta e prome paso di hopi hende, cu lo hiba na un control riba e terrible poder di atoom.

**CONGRESO COMUNISTA
NA MOSCU**

MOSCU, 29 juli. — Lideran di Union Sovietica y su aliadonan di Oost Europa a delibera na un reunion na Moscú tocante estado di Paratheid den cual e forzanan di guerra di paisnan di e pacto di Warschan ta, asina e agencia Ruso di prensa Tass a anuncia ayera nochi.

E comandante supremo di forzanan di guerra mariscal Greljo a duna e reunion rapport.

Den un comunicado cu nan a saca tambe ajera, nan a bisa, cu durante e conferencia economico di paisnan comunista cu nan a tene siman pasa na e capital Ruso nan a constata cu e crecimiento economico den paisnan comunista ta mas fuerte.

E paisnan tabata di acuerdo pa tene un conferencia di Nacionnan Uni tocante comercio mundial. E delegadonan a aproba tambe proposicionnan tocante lantamentu di un banco multilateral di asociacion comercial y un banco internacional pa cooperacion economico.

Observadornan occidental ta di opinion cu e conferencia segun conoci e adversario di EEC, a worde tene principalmente pa duna Union Sovietica oportunidad pa informa su aliadonan tocante e situacion di asuntunan den e kestion ideologico entre Rusia y China y e deliberacionnan nuclear cu occidental.



Durante e campeonato di Marina cu a tuma lugar den e dianan aki e marinier Snippe di Savaneta a kibra e record di polstok verspringen cu un bula di 8,13 meter.

Apuntes editorial

Oposicion ta hari

(Continuacion di pag. 1)

nan completamente nobo. Otronan ta puntra nan mes yen di desagrado, pakiko nunca un Arubiano for di e distritonan, (campesino), no por bira deputado y cu semper un (capitalista) for di Playa mester bira tal.

Pero lo peor ta e malcontento di e Isla ribenjonan den P.P.A., kendenan ta worde gila pa Chance, Mathew y Anslin. E grupo aki (na Aruba 1.565) ta sinti su mes fuerte. Puc e dos representantenan di Islanan Ariba, ariba e lista di P.P.A. den e ultimo eleccion, a hantia 1.624 voto pa e partida aki, esta 14% di e total cu P.P.A. a hantia. E grupo aki tambe kier un di su hendenan den B.C. Pero senior Whitfield, kende tambe ta di Isla riba no ta aceptabel pa nan. No pasobra cu nan tin ningun cida cu cuestion cu su capacidadnan, pero como cu nan no conoce como „un di nos“. E ta un strahero entre e Isla ribenjonan, y unicamente pa e motibo ey e no ta worde acepta. Nan kier un representante for di nan mes circulo den B.C.

Como cu senior Mathew no por, pa notibonan tecnico-politico y senior Anslin a hata su mes atras den e rond aki, senior Chance ta e persona.

Esaki e „topmen“ den P.P.A. tambe sabi. Pero probablemente nan tin miedo di un senior Chance den un stul di diputado, conociendo su karakter cu hopi biaba ta dificil pa compronde, cu ariba momentonan inespera y net na e momento mas inoportuno ta bai contra di su mes partida, ora cu e ta sinti cu su opinion ta bificia y cu ta mustré un otro caminda. Asina anto e candidato Chance a worde poni un banda na favor di e candidato di e „topmen“ Whitfield.

E Isla ribenjonan malcontento, ta yama esaki medidanan dictatoriales di e lideran, kendenan ta laga nan mes preferencianan domina ariba e preferencia di e seccion. Desapunta nan ta bisa cu esaki tabata algo imposibel bao di e lider Juanecho Yrausquin. „Nos no ta busca dificultadnan“ e Isla ribenjonan ta bisa, „pero nan no ta tene cuenta cu nos“.

Loke a resulta door di e malcontentonan aki cu a worde crea door di e lideran di e partida mes, a worde mustra diarazon; no tabatin disciplina den e partid y e oposicion lo no tabata oposicion, si nan no a probecha inmediatamente.

Asina cu inesperadamente un diputado Falconi a tuma lugar tras di e mesa di B.C. Senior Falconi ta e sinjal di aviso pa e lideran di P.P.A.; e aviso cu no ta posibel pa cera ora pa e desecion di algun unli votadonan sin corre peliger. Si e partida sigui asina, sin tene cuenta cu esaki, anto e malcontento lo crece mas y e posibilidad ta grandi cu ora di eligimento di un otro diputado, otro sorpresa lo ta e resultado, pero cu tal vez lo no renuncia un ora despues? Un bruhamento politico enorme, naturalmente ariba eustia di e desagrado di Aruba, lo ta e resultado final.

Si P.P.A. kier sigui traha plannan pa proyectonan grandi y tambe realisnan na bienestar di pueblo, cu durante di e ultimo eleccion a mustra claramente nan sympathy, anto e lideran mester actua inmediatamente y tuma medidanan pa trece e harmonia di antes y pa stop e kibramento den partida cu por worde constata actualment. Aina no ta laat! Historia ta mustra cu gobernamento sin consideracion, facilmente por bira dictadura. Pero tambe historia ta sinja cu esaki ta e minsamiento di e fin.

Asina laga P.P.A. compronde e sinjal di aviso y tuma medidanan. Pa no bin confusion politico y cu e projec-

BO HOROSCO PERSONAL

ARIES

21 Maart — 20 April



Tur loke bo haci pa solucioná problema nan of terribles situacionnan ta bao di aspectonan favorable. Evita plei u.

TAURUS

21 April — 20 Mei



Awe bo lo sinti bo mes perfectamente feliz y duna tur situacion. Amigunan ta duna bo ayudo y bo lo conoce hendenan nobo.

GEMINI

21 Mei — 20 Juni



Bo fianzas lo provecha di sucesonan y cambionan den bo becindario, hasta bo actua bon, cumpli cu bo debernan.

CANCER

21 Juni — 22 Juli



Sucesonan di awe en general ta na bo favor. Otro personanan lo coopera cu bo pero bo mester tene cuida cu gastamento di placa.

LEO

23 Juli — 22 Augustus



Ayudo pa otronan lo worde recompensa. Usa bo cabes y no risca siman importante of haci mas cu bo por responde pe.

VIRGO

23 Augustus — 22 September



Seucha atentamente kiko bo partner y consehoronan lo bisa bo. Cu cooperacion bo lo logra hopi awe y anochi dedica bo mes na estudio.

LIBRA

23 September — 22 Oktober



Si acaso bo kier logra algu den asuntunan di negoci, awe ta e dia pa tal. Hacia bo best y no perde curashi.

SCORPIO

23 Oktober — 22 November



Por tin hopi actividad awe en relacion cu trahamean- tu di plannan. Tambe awe ta masha favorable pa haci transaccionnan.

SAGITARIUS

23 November — 21 December



Percura pa bo informacion bon prome bo traha bo opinion awe. Ta posibel cu bo lo ta kiboca y no pensa cu nan no ta aprecia bo trabao.

APRICORNIUS

22 December — 19 Januari



Hendenan rond di bo lo ta cariñoso y lo duna bo cooperacion. Sin embargo mehor bo pone deliberacionnan importante te despues di a-tardi.

ACUARIUS


20 Januari — 18 Februari



Tene un bista riba bo finanzas. Tin algun bon chens pa aumenta bo entrada, busca maneranan pa gana algu mas.

PISCES

19 Februari — 20 Maart



Awe tur cos ta na bo favor. Bo por haci uso di esey pa combersacionnan importante, pero tene cuida cu huzgamento di personanan, bo por ta kiboca.

tonan por continua frankilmente y cu mas lo sigui ainda. Cu Aruba lo hantia un B.C. fuerte cu sabi di defende su mes contra di e atakanan di Corsow.

Na e momento aki tin solamente uno cu ta hari pa motibo di e situacion aki, esta oposicion cu awor, despues di ocho anja ta mira e luz cu nan ta spera, e habrimento di dia di A.V.P. na horizonte.